



Sesida dals

Communitgà ils

Protocol nr.

21 da schaner 2019

23 da schaner 2019

28

Dumonda Locher Benguerel

concernent l'ulteriur svilup da l'instrucziun da la segunda lingua en la scola populara

Resposta da la regenza

La finamira oriunda da la lingua da contact è vegnida formulada sco a) inscunter cun auters umans e b) inscunter sco contact intenziunà cun la 1. lingua estra. L'instrucziun da la 1. lingua estra, mintgatant er designada sco instrucziun da la segunda lingua, è permanentamain vegnida sviluppada vinavant ils ultims 20 onns. Uschia è vegnì unifitgà il cumenzament da l'instrucziun da la 1. lingua estra sin l'onn da scola 1999/2000 en la 4. classa dal stgalim primar en tut ils trais intschess culturals linguistics: Dapi lura vegn instrui sco 1. lingua estra talian resp. rumantsch en las scolas primaras tudestgas e tudestg en las scolas primaras rumantschas e talianas. Dapi l'onn da scola 2002/03 vegnan instruids sin il stgalim secundar I ina lingua chantunala (talian u tudestg) sco er englais sco roms obligatorics. L'onn da scola 2010/11 è vegnida anticipada la 1. lingua estra da la 4. a la 3. classa dal stgalim primar e dapi l'onn da scola 2012/13 vegn instrui englais sco 2. lingua estra a partir da la 5. classa primara. Da tut quests svilups èsi vegnì tegnì quint cun in'adattaziun cuntinuanta dals meds d'instrucziun, da l'accumpagnament didactic e da l'extensiun da la scolaziun e da la furmaziun supplementara.

Sin fundament da questas ponderaziuns po la regenza prender posiziun sco suonda davart las singulas dumondas:

Tar la dumonda 1: En il center da las pussaivladads stat l'ulteriur svilup actual da l'instrucziun da linguas estras en il rom dal Plan d'instrucziun 21 GR (PI21 GR). Ils plans d'instrucziun da lingua ch'èn vegnids sviluppads aposta per il PI21 GR – sco tut il plan d'instrucziun – sa basan sin las enconuschientschas didacticas las pli novas (didactica da plurilinguitad). La finamira da la didactica da plurilinguitad è l'emprender linguas estras sco abilitads comunicativas. Quellas vegnan cuntanschidas cun applitgar la lingua en situaziuns uschè autenticas sco pussaivel ed en in contact linguistic direct (p.ex. barat linguistic). Ultra da quai pussibilitescha il PI21 GR sco rom d'elecziun sin il stgalim secundar I in'approfondaziun da la 1. lingua estra.

Actualmain vegni lavurà vi da la realisaziun dal PI21 GR en furma da purschidas da furmaziun supplementara sco er vi da l'ulteriur svilup cuntinuant da materialias d'instrucziun. Quai è in process che cumpiglia ils proxims onns.

Tar la dumonda 2: La realisaziun concreta da l'incumbensa cumpiglia ina meglra survista da la purschida sin la pagina d'internet da l'uffizi per la scola populara ed il sport (USS). Supplementarmain stattan a disposiziun differentas resursas (p.ex. la tschertga da classas da partenadi e d'alloschis) e materialias (p.ex. propostas elavuradas da nov per activitads durant il barat linguistic). Ultra da quai èn las responsablads administrativas internas vegnidas reorganisadas. Per render pli enconuschent las novas purschidas ha il USS realisà dapi l'avust 2018 differentas mesiras da reclama, concretamain a) la publicaziun sin la pagina d'internet dal USS; b) la publicaziun en la circulara da l'inspecturat da scola; c) la publicaziun d'in artigel en il Fegl scolastic grischun (4/2018) sco er d) l'infurmaziun da tut las direcziuns da scola tras l'inspecturat da scola il schaner 2019.

Tar la dumonda 3: La surdada d'ina incarica per far in studi empiric da questa dimensiun è colliada cun custs ch'èn suttamess a la lescha da submissiun. I po vegnir examinà il pli baud suenter la terminaziun da la fasa d'introducziun dal PI21 GR da conceder ina tala incarica.

Tar la dumonda 4: Il barat tranter tut ils acturs involvids è da realisar en tscherts puncts adina, cur che resultats empirics actuals èn avant maun che giustifitgeschan uschia ina discussiun sistematica davart l'ulteriur svilup da l'instrucziun da la 1. lingua estra (gruppas da barat linguistic, svilup da materialias d'instrucziun, concepziun d'occorenzas da furmaziun supplementara).

Tar la dumonda 5: L'examinaziun da las cumpetenzas fundamentalas en ils roms lingua da scola sco er 1. e 2. lingua estra a la fin dal temp da scola obligatoric cumenza la primavaira 2019 cun ina fasa da pilot, avant che la retschertga principala vegn fatga l'onn 2020. Ils resultats da questa evaluaziun vegnan publitgads probablamain l'onn 2022. Sch'i pon vegnir deducidas recumandaziuns da quai, vegn il Grischun a las examinar ed a las realisar sche necessari.



En num da la Regenza

Il president:

Il chancelier:

Dr. Jon Domenic Parolini

Daniel Spadin